

**Talamdan sa
mga Mensahe alang sa Full-time Training
sa Spring Term sa 2024**

**LINANGKOB NGA HISGOTANAN:
ANG MAHINUNGDANONG MGA PUNTO SA KAMATUORAN SA MGA SULAT NI PABLO—
IKADUHANG CORINTO**

Mensahe 5

**Salamin nga Nagtan-aw ug Nagpasumbalik sa Himaya sa Ginoo
aron Matransporma ngadto sa Mao Rang Dagway gikan sa Himaya ngadto sa Himaya—
sa Mahimayaong Dagway ni Cristo**

Basahong Kasulatan: 2 Cor. 3:15-18; 1 Cor. 15:45; Juan 7:39

- I. “Dunay taptap nga nagpabilin sa ilang kasingkasing; apan moliso ngani sa Ginoo ang ilang kasingkasing, makuha ang taptap”—2 Cor. 3:15b-16:**
- A. Ang atong kasingkasing maoy mahinungdanong butang sa pagsinati ug pagpahimulos nato sa Ginoo nga Espiritung taghatag-og-kinabuhi; busa, iliso gyod nato sa Ginoo ang atong kasingkasing—1 Cor. 15:45.
 - B. Ang taptap—ang nagpalayo nga kasingkasing—nagpasabot sa mga butang nga gipursigir nato nga dili ang Ginoo—2 Cor. 3:15-16.
 - C. Ang tanang taptap tungod man kay wala mapatumong sa Ginoo ang atong kasingkasing—itandi sa Efe. 3:17a.
 - D. Kon nataptapan ta, dili ta makatan-aw ug makapasumbalik sa himaya sa Ginoo—2 Cor. 3:18.
 - E. Kay nagpalayo man sa Ginoo ang atong kasingkasing, dunay taptap tali sa Ginoo ug nato:
 - 1. Dili ta makakita Niya, ug dili ta makapakig-ambitay Niya sa nawong ug nawong.
 - 2. Kini ang kahimtang hangtod moliso ang atong kasingkasing Kaniya, ug makuha ang taptap—vv. 15-16.
 - F. Moliso ngani sa Ginoo ang atong kasingkasing, makuha ang taptap; makasinati dayon ta sa Ginoo ug makapasumbalik sa Iyang himaya nga dunay nawong nga wala mataptapi—v. 18.
- II. “Ug ang Ginoo mao ang Espiritu; ug hain ngani ang Espiritu sa Ginoo, dunay kagawasan”—v. 17:**
- A. Moliso ngani sa Ginoo ang atong kasingkasing, mosulod ang Ginoo nga Espiritu, ug mosulod sab ang kagawasan; kagawasan ang Espiritu—v. 17.
 - B. Sumala sa unod ning seksyona sa 2 Corinto, nga nagsugod sa 2:12, nagpasabot gyod ni Cristo nga Ginoo *ang Ginoo* sa 3:17—2:12, 14-15, 17; 3:3-4, 14, 16; 4:5.
 - C. Ang Espiritu sa Ginoo mao ang Ginoo mismo, ug naa Niya ang kagawasan.
 - D. Kusganong pulong sa Biblia ang 2 Corinto 3:17, nga bug-at gyong nagsulti nato nga si Cristo ang Espiritu:
 - 1. Ang Espiritu, nga kinahingpitang pagpadayag sa Tulo-usang Dios, “wala pa” sa Juan 7:39, kay niadtong panahona wala pa man himayaa si Jesus—12:16, 23; 13:31-32; 17:1, 5.
 - 2. Wala pa mahuman ni Jesus ang kahikayang agian Niya, nga pagkalawas sa Dios.
 - 3. Sa nabanhaw na Siya, sa ato pa, sa nahuman na ang tanang kahikayan—pagpakatawo, pagkalansang sa krus, ug pagkabanhaw—nga agian gyod sa Tulo-usang Dios diha sa tawo alang sa pamatigayon Niya sa pagtubos, nahimo si Cristo nga Espiritung taghatag-og-kinabuhi—1 Cor. 15:45.
 - E. Sa Bag-ong Tugon, ginganlan ang Espiritung taghatag-og-kinabuhi og “ang Espiritu” (Rom. 8:16, 23, 26-27; Gal. 3:2, 5, 14; 6:8; Bug. 2:7; 3:22; 14:13; 22:17), ang Espiritu nga naghatag nato sa diosnong kinabuhi (2 Cor. 3:6; Juan 6:63).
- III. “Apan kitang tanan nga dunay nawong nga wala mataptapi, nga nagtan-aw ug nagpasumbalik samag salamin sa himaya sa Ginoo”—2 Cor. 3:18a:**
- A. Pasumbingay ang paggamit sa pulong *salamin*:
 - 1. Dunay kahimoan nga motan-aw ug mopasumbalik og butang ang salamin:

- a. Sa usa ka bahin, motan-aw og tawo o butang ang salamin.
- b. Sa laing bahin, mopasumbalik kini sa gitan-aw niini.
2. Mga salamin ta nga dunay nawong nga wala mataptapi, wala mataboni, nga nagtan-aw ug nagsud-ong ni Cristo; labi tang motan-aw Niya, labi tang mopasumbalik Niya.
3. Moliso ngani sa Ginoo ang atong kasingkasing ug makuha ang taptap, mora tag mga salamin nga nagtan-aw ug nagpasumbalik sa himaya sa Ginoo—vv. 16, 18:
 - a. Sa pagsugod, wala pay dagway tingali diha sa salamin.
 - b. Apan, labi nga motan-aw sa usa ka tawo ang salamin, labi nga maanaa sa salamin ang dagway nianang tawhana.
- B. Matod pa sa 2 Corinto 3:18, nagtan-aw ug nagpasumbalik ta sa himaya sa Ginoo:
 1. Ang pagtan-aw sa himaya sa Ginoo pagkakita man nato mismo sa Ginoo; ang pagpasumbalik sa himaya sa Ginoo pagpakita Kaniya sa uban pinaagi nato.
 2. Sama tag mga salamin nga nagtan-aw ug nagpasumbalik sa himaya sa Ginoo; kay mao man kini, hingpit gyod untang bukas ang atong nawong aron klaro tang makakita ug husto gyong makapasumbalik.
 3. Sa magsud-ong ta sa Ginoo, ipasumbalik nato Siya; samtang nagtan-aw ug nagpasumbalik ta Kaniya sa ingon niini, madugang sa atong pagkatawo ang Iyang elemento, ang Iyang pagkamao—v. 18.
 4. Sayo sa buntag, ang una gyong buhaton nato mao nga moduol ta sa Ginoo nga dunay nawong nga wala mataptapi aron motan-aw, mosud-ong, ug mopasumbalik Niya.
 5. Ang pagpabilin nato sa presensya sa Ginoo samtang nagtan-aw ug nagpasumbalik ta Niya maoy makaingon nga tinuod tang makatilaw, tinuod nga makapahimulos.

IV. Kitang tanan “kamulong gitransporma ngadto sa mao ra nga dagway gikan sa himaya ngadto sa himaya, ingon nga gikan gyod sa Ginoong Espiritu”—v. 18b:

- A. Kon magtan-aw ug magpasumbalik ta, nga dunay nawong nga wala mataptapi, sa himaya sa Ginoo, tuho-pan ta Niya sa mga elemento sa Iyang pagkamao ug nabuhat.
- B. Ang dagway sa versiculo 18 mao ang dagway sa nabanhaw ug gihimayang Cristo:
 1. Nagpasabot ang “mao ra nga dagway” nga kamulo tang gipasama sa dagway sa nabanhaw ug gihimayang Cristo, gipasama Niya—Rom. 8:29.
 2. Ang *dagway* dili lang nagpasabot sa porma nga makita kondili sa pagpadayag sa tawo sa sulod.
- C. Kamulo tang metabolicong gitransporma aron mahulma sa porma sa Iyang kinabuhi pinaagi sa gahom sa Iyang kinabuhi ug sa pagkamao niini; sa ato pa, kamulong giusab ang dagway sa atong lawas, labi na gyod sa pagbag-o sa atong salabotan (12:2), ngadto sa Iyang dagway.
- D. Kamulong gitransporma ang mga magtutuo sa pagtan-aw ug pagpasumbalik nila sa himaya sa Ginoo:
 1. Ang pagkatransporma iya-sa-sulod nga metabolicong kahikayan nga niini nagbuhat ang Dios aron ipakaylap ang Iyang diosnong kinabuhi ug kinaiya sa tanang bahin sa atong pagkatawo, labi na gyod sa atong kalag—v. 2.
 2. Tungod niana, matransporma ta ngadto sa dagway sa Ginoo (2 Cor. 3:18), sa ato pa, masama sa dagway sa panganayng Anak sa Dios.
- E. Nagpasabot ang “gikan sa himaya ngadto sa himaya” og gikan sa usa ka ang-ang sa himaya ngadto sa usa pa ka ang-ang—v. 18.
- F. Maisip nga dobleng ngalan *ang Ginoong Espiritu* sama sa *ang Dios Amahan* ug *ang Ginoong Cristo*:
 1. Kusganong nagpamatuod kining pamulonga nga ang Ginoong Cristo mao ang Espiritu ug ang Espiritu mao ang Ginoong Cristo.
 2. Sa 2 Corinto 3 gipadayag kining Espirituha ingon nga Espiritung nagsulat (v. 3), ang Espiritung naghatag og kinabuhi (v. 6), ang Espiritung nangalagad (v. 8), ang Espiritung nagpagawas (v. 17), ug ang Espiritung nagtransporma (v. 18).